



Komisija za Statut i akte

Broj: 04-GV-04-2006/22
Sarajevo, 27.12.2022. godine

ZAPISNIK O RADU
51. SJEDNICE KOMISIJE ZA STATUT I AKTE
GRADSKOG VIJEĆA GRADA SARAJEVA
održane 27.12.2022. godine

Prisutni:

1. Toni Vukadin, predsjedavajući,
2. Dženan Tikveša, zamjenik predsjedavajućeg
3. Drago Jurić, član
4. Alma Čengić, članica
5. Muamer Mekić, član
6. Bajro Biber, član
7. Adi Škaljić, člana
8. Selvira Vilić, članica
9. Vedran Dodik, član

Sjednici iz Stručne službe Gradskog vijeća Grada Sarajeva prisustvuju:

- Mila Eminović, sekretar Gradskog vijeća Grada Sarajeva
- Mirjana Đanović Stanić, rukovodilac Stručne službe za poslove Gradskog vijeća

Sjednici ispred predlagача prisustvuju:

- Senada Kočan, pomoćnica Gradonačelnice za opću upravu i zajedničke poslove,
- Sabina Hadžiahmetović, ispred Stručne službe za kabinetske poslove Gradonačelnice,
- Aida Bajramović, rukovodilac Stručne službe Gradonačelnice
- Tarik Zečić, ispred Gradske službe za urbano planiranje, investicije, stambene i komunalne poslove

Predsjedavajući Komisije je u 13.23 sati otvorio sjednicu Komisije, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 50. sjednice Komisije za Statut i akte Gradskog vijeća Grada Sarajeva održane 21.12.2022. godine.

Na prijedlog Predsjedavajućeg, Komisija za Statut i akte je jednoglasno usvojila sljedeći **dnevni red**:

1. Mišljenje o Prijedlogu Budžeta Grada Sarajeva za 2023. godinu
2. Mišljenje o Amandmanu Odbora za budžet i finansije na Prijedlog Budžeta Grada Sarajeva za 2023. godinu
3. Mišljenje o Amandmanu Komisije za odnose sa vjerskim zajednicama i crkvama na Prijedlog Budžeta Grada Sarajeva za 2023. godinu
4. Mišljenje o Prijedlogu Odluke o izvršavanju Budžeta Grada Sarajeva za 2023. godinu
5. Mišljenje o Prijedlogu Odluke o platama i naknadama u organima Grada Sarajeva
6. Mišljenje o amandmanima Administrativne komisije na Prijedlog Odluke o platama i naknadama u organima Grada Sarajeva



7. Mišljenje o Amandmanu Kluba gradskih vijećnika Naše stranke na Prijedlog Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2023. godinu
8. Utvrđivanje Prečišćenog teksta Odluke o obilježavanju datuma, događaja i ličnosti od značaja za Grad Sarajevo
10. Mišljenje o Nacrtu Odluke o izmjeni Odluke o podizanju spomenika bosanskom kralju Tvrtku I Kotromaniću
9. Mišljenje o Amandmanu gradskog vijećnika Srđana Simonovića na Prijedlog Budžeta Grada Sarajeva za 2023. godinu
10. Tekuća pitanja

TAČKA 1.

Mišljenje o Prijedlogu Budžeta Grada Sarajeva za 2023. godinu

Na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**: Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Budžet Grada Sarajeva za 2023. godinu* kako je predložen.

TAČKA 2.

Mišljenje o Amandmanu Odbora za budžet i finansije na Prijedlog Budžeta Grada Sarajeva za 2023. godinu

Na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**: Amandman Odbora za budžet i finansije na Prijedlog Budžeta Grada Sarajeva za 2023. godinu je blagovremen, potpun i podnesen od strane ovlaštenog predlagača i u odgovarajućoj proceduri u skladu sa članom 124. stav 3. i 6. Poslovnika Gradskog vijeća Grada Sarajeva, te se može razmatrati na sjednici Gradskog vijeća Grada Sarajeva.

TAČKA 3.

Mišljenje o Amandmanu Komisije za odnose sa vjerskim zajednicama i crkvama na Prijedlog Budžeta Grada Sarajeva za 2023. godinu

Na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**: Amandman Komisije za odnose sa vjerskim zajednicama i crkvama na Prijedlog Budžeta Grada Sarajeva za 2023. godinu je blagovremen, potpun i podnesen od strane ovlaštenog predlagača i u odgovarajućoj proceduri u skladu sa članom 124. stav 3. i 6. Poslovnika Gradskog vijeća Grada Sarajeva, te se može razmatrati na sjednici Gradskog vijeća Grada Sarajeva.

TAČKA 4.

Mišljenje o Prijedlogu Odluke o izvršavanju Budžeta Grada Sarajeva za 2023. godinu

Dženan Tikveša, zamjenik Predsjedavajućeg je sugerirao da bi trebalo u Prijedlogu Odluke regulisati način utvrđivanja osnovice za obračun plata i naknada, kao i u dijelu prijelaznih i završnih odredbi u članu stupanja na snagu precizirati datum stupanja na snagu predloženog akta.

Aida Bajramović, rukovodilac Stručne službe Gradonačelnice je ispred Predlagača obavijestila da će se izvršiti provjera opravdanosti prihvatanja predložene sugestije u pogledu reguliranja načina utvrđivanja osnovice kako je sugerirano, te da će rok stupanja na snagu uskladiti sa rokom stupanja na snagu Budžeta Grada Sarajeva za 2023. godinu.

Poslije diskusije, na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:

Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te predlaže Gradskom vijeću Grada Sarajeva da razmatra *Odluku o izvršavanju Budžeta Grada Sarajeva za 2023. godinu* uz sugestiju da Predlagač provjeri da li u Odluci treba da bude reguliran način utvrđivanja osnovice za obračun plata i naknada, kao i da Predlagač u ovoj fazi razmatranja akta djeluje amandmanski u dijelu stupanja na snagu i to tako da stupanje na snagu uskladi sa rokom stupanja na snagu Budžeta Grada Sarajeva za 2023. godinu.

TAČKA 5.

Mišljenje o Prijedlogu Odluke o platama i naknadama u organima Grada Sarajeva

Dženan Tikveša, zamjenik Predsjedavajućeg je sugerisao da se provjeri usklađenost člana 13. predložene Odluke sa Federalnim zakonom koji reguliše zdravstveno osiguranje.

Poslije diskusije, na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:

Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Odluku o platama i naknadama u organima Grada Sarajeva* kako je predložena, uz sugestiju Predlagaču da amandmanski djeluje u članu 13. predmetne odluke.

TAČKA 6.

Mišljenje o amandmanima Administrativne komisije na Prijedlog Odluke o platama i naknadama u organima Grada Sarajeva

Na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:

Amandmani Administrativne komisije na Prijedlog Odluke o platama i naknadama u organima Grada Sarajeva su blagovremeni, potpuni i podneseni od strane ovlaštenog predlagača i u odgovarajućoj proceduri u skladu sa članom 124. stav 3. i 6. Poslovnika Gradskog vijeća Grada Sarajeva, te se može razmatrati na sjednici Gradskog vijeća Grada Sarajeva.

TAČKA 7.

Mišljenje o Amandmanu Kluba gradskih vijećnika Naše stranke na Prijedlog Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2023. godinu

Na prijedlog Predsjedavajućeg, Komisija za Statut i akte je jednoglasno usvojila sljedeći zaključak:
Amandman Kluba gradskih vijećnika Naše stranke na Prijedlog Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2023. godinu je blagovremen, potpun i podnesen od strane ovlaštenog predlagača i u odgovarajućoj proceduri u skladu sa članom 124. stav 3. i 6. Poslovnika Gradskog vijeća Grada Sarajeva, te se može razmatrati na sjednici Gradskog vijeća Grada Sarajeva.

TAČKA 8.

Utvrđivanje Prečišćenog teksta Odluke o obilježavanju datuma, događaja i ličnosti od značaja za Grad Sarajevo

Uvodno izlaganje i pojašnjenja dala je Sabina Hadžiahmetović, ispred Stručne službe za kabinetske poslove Gradonačelnice,

Poslije uvodnog izlaganja, na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:

Komisija za Statut i akte na temelju člana 50. stav (1) alineja d. i člana 138. stav 2. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20 i 19/20) utvrđuje *Prečišćeni tekst Odluke o obilježavanju datuma, događaja i ličnosti od značaja za Grad Sarajevo.*

TAČKA 9.

Mišljenje o Nacrtu Odluke o izmjeni Odluke o podizanju spomenika bosanskom kralju Tvrtku I Kotromaniću

Na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:
Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Nacrt Odluke o izmjeni Odluke o podizanju spomenika bosanskom kralju Tvrtku I Kotromaniću* kako je utvrđen i uputi ga u javnu raspravu.

TAČKA 10.

Mišljenje o Amandmanu gradskog vijećnika Srđana Simonovića na Prijedlog Budžeta Grada Sarajeva za 2023. godinu

Na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:
Amandman gradskog vijećnika Srđana Simonovića na Prijedlog Budžeta Grada Sarajeva za 2023. godinu je podnesen od ovlaštenog predlagača, ali nije podnesen u propisanom roku, međutim Komisija za Statut i akte sugerira Gradonačelnici da razmotri predloženi Amandman, te da u slučaju prihvatljivosti isti podnese kao vlastiti.

TAČKA 11.
Tekuća pitanja

Pod ovom tačkom dnevnog reda nije bilo zaključaka.

PREDSJEDAVAJUĆI KOMISIJE

Toni Vukadin, s.r.

Predsjedavajući Komisije je u 13.50 sati zaključio rad 51. sjednice Komisije za Statut i akte Gradskog vijeća Grada Sarajeva.